

畿輔通志卷一百六十一

略一百十六

古蹟八

署宅二河間

保定

承德

永平

保定府

清苑縣

萬卷樓在府治南

卽在今蓮花池內

元守帥賈輔建以經傳子史百

家法書名畫爲九等置其上又邀致郝經築堂樓側以居之

經有記

大清一統志

郝經萬卷樓記萬卷樓順天賈侯藏經之所也曰萬卷殆不啻焉不啻萬而曰萬者舉

成數也金源氏末天造草昧豪傑興起於是擁兵者萬馬建侯者萬馬甲者戈者騎者徒者各萬馬鳩民者保家者聚而爲盜賊者又各萬馬積粟帛金貝子女以爲己有者斷阡陌占屋宅跨連州郡以爲己業者又各萬馬侯則獨不然息民保境禮賢聚書勸學事師而已於是聚衆人之所棄以爲己有河朔之書盡往歸之故侯之萬者獨書焉河南亡衆人之所取者如金帛子女復各萬侯之書又得萬焉淮南亡衆人之所取者如初亦復各萬侯之書又得萬焉故南北之書皆入侯府不啻數萬卷焉始儲於室室則盈儲於堂堂則溢乃作樓藏之樓旣成盡以卷帙置其上而爲之第別而爲九六

經則居上上尊經也傳注則居上中後傳也諸子則居上下
經之餘也歷代史居中上亞六經也雜傳記居中中次史也
諸儒史論居中下史之餘也先正文集及諸著述居下上經
史之餘也百家衆流陰陽圖籍山經地志方伎術數則居下
中皆書之支流餘裔也其法書名畫則居下下藝成而下也
櫛比鱗次高切星漢人之文與天文際私家之藏幾踰秘監
故賈侯之書甲天下方干戈壞亂經籍委地侯獨力爲捫拾
吾道賴以不亡雖孔氏之壁河間之府不是過也彼富貴者
之樓管絃樽俎肴核几席登覽燕集之具充焉侯之樓則古
聖今賢大經格言修身治世之典積焉時順天之治嘗最諸
道推爲鉅公偉人而又樂賢下士切切於收覽遺書爲志故
天下之人益以此賢侯侯既儲書於樓謂其將佐曰昔蔡中
郎書籍畀之王粲而粲卒名世今吾之書若是不有所畀適
足以爲蠹魚之食不免墮檐之譏矣吾聞郝氏子經嗜書力
學吾將畀之鞅掌之隙亦得竊聽焉時經寓居鐵佛寺之南
堂坐徹明者五年矣以書幣邀致其府於樓之側築堂曰中
和盡以樓之書見付使肆其觀覽侯則時令講解一編輒曰
吾之書有歸矣吾不爲書肆矣向吾之書儲於樓中今則儲
子之腹中向者大聖人之道布於方策今則布諸子之心矣
子其摘光揭輝俾吾之書用於世以濟斯民則子之腹乃萬
世之府也不然則亦蠹魚之穴墮檐之樓爾子其勉之經再
拜謝其不克負荷每爲流涕感泣曰經舉家之盎缶不能購
一經故每區區晨夜叩人之門藉書以爲學今侯以數十年
之勤數萬卷之多盡以見畀雖侯之盛意豈非天耶如怠忽

自棄以多書而不能如無書之初心業不能勤而卒無有成則非負侯是負天也復何以立於世哉故書侯聚書起樓及昇經爲學之義以爲記以明侯之德且以自警庶幾終不負侯云樓成於丙申之秋經之處侯之門則癸卯之冬文成之日則甲辰之春也三月二十日門下士陵川郝經謹記

高氏園在城東北隅元郡人高娃所創景物穠秀人皆遊賞

內有翠錦堂劉因爲記

同上 元劉因遊記園依保城東北隅周垣東就城隱映靜深分布穠秀

保舊多名園近皆廢毀今爲郡人之所觀賞者惟是予暇日遊焉甚樂園之堂其最高敞者尙書張夢符題爲翠錦或者指之謂予曰此貴家某氏之樓也今甫四十五年耳已徹而爲是矣嘻人其愚哉非不見之復爲是也奚益予聞之大以爲不然夫天地之理生生不息而已矣凡所有生雖天地亦不能使之久存也若夫天地之心見其不能使之久存也而遂不復生焉則生理從而息矣成毀也代謝也理勢相因而然也人非不知其然也而爲之不已者氣機使之焉耳若前人慮其不能久存也而遂不爲之後人創前人之不能久有也而亦不復爲之如是則天地之間化爲草莽灰燼之區也久矣若與我安得茲遊之樂乎安用歎耶予旣曉或者復私記其說至元辛卯四月望日記

應奎樓在縣學東南臺六丈結樓於巔下作四洞可往來俗

謂穿心樓

雍正志

矮松園在城西南隅

同上

傅文毅故居在縣境

採訪冊

明王鵬傳文毅公故居詩文毅東維去音微久寂寥荒村傳舊姓老

樹記前朝國史勳名在君恩歲月遙一邱仍賜地秋草日蕭蕭

鳴霜樓在府治東北明宣德間知府周監建

大清一統志後守章

律疊石爲臺建層樓於上

雍正志

謹案今名干雲樓康熙癸酉直隸巡撫李光地重修題額

尙存

望馬臺在縣東北一百里

雍正志在安州西北十二里

宋將楊延昭築以

相馬

大清一統志

謹案今省治東北五十餘里有地名驕馬廟恰在安州西

北十二里豈卽望馬臺之故址歟

君子亭在府治南元張柔鑿蓮花池建亭其中又有柳塘西溪北潭皆引雞水爲府治之勝

同上

謹案似卽今之蓮華池

水哉亭在城外西南隅水闌上邑令崔泌之建

雍正志

臨漪亭在府治南蓮花池元張柔鑿池引雞距河水建亭於上明知府張烈文重修萬厯時知府查志隆復拓其地增堂寢門廡庖廚臺榭匾曰水鑑

本朝康熙丁亥知府李紳重修雍正十一年奉

旨各省設立書院卽於亭北地修建增葺講堂書屋改名蓮池書院

同上

元郝經臨漪亭記略雞水控常山而東穴保而入激爲流疏爲渠潴爲陂浸而爲溪析而爲塘臺樓亭觀雄列傑

峙者巋如也別流析布由千戶喬侯之第園而出出而東則亭亭則喬侯之別第也面水者三右池而左洄屋重而廡列鱗淥漪然勝曰臨漪茂樹葱鬱異卉芬蒨庚伏冠衣清風戛然迥不知暑澄瀾蕩漾簾戶疏越魚泳而鳥翔城市囂囂而

得三湘七澤之樂可謂勝地矣歲丁未六月朔侯之仲子德
王者請余爲記余曰火雲燎天山灰海沸而是亭之上觴豆
濟濟李沉瓜浮琴間而奕危曳絺塵塵隱語談笑粲然而四
列也樂乎哉有蔽日橫梁被甲而趨者矣有負耒耜序錢鏹
揮汗而喘者矣翠波漪風綠陰鑲日蔗漿沉水玉榼金甌肌
塵細文侍兒發扇樂乎哉有負戴永途肩高足裂蚊蚋嘬肌
者矣有窮閭局脊槁腸而枯腹者矣如是而可樂哉蓋樂乎
此不忘乎彼樂乎身不忘乎人政成而訟理事治而日暇燕
兄弟以篤親親交朋友以講道業親賢下士以崇德譽已樂
矣思吾民有未樂者已安矣思吾民有未安者其不負於此
亭矣不然則其有負於此亭矣侯旣沒諸子堂堂皆有超卓
之望特立之姿盛大之業將張本於是亭故不辭而爲之記

國朝李衛蓮華池修建書院增置使館碑記

皇上

御宇十有一年久道化成俊乂輩出諭德宣遠輜軒四達

命直省建立書院教育英才德意之厚與天同功
輔首善之地應詔宜先而上谷城中楹接榼連擇地

不易又惟周禮國野之道有廬有宿有候館亦王政也會城
當西南十省孔道貴戚近臣奉朝命往來及分節

畿輔

大僚以公事來者郡無公所假館市廛何以佐

明德

恢政體也古蓮花池上有臨漪亭肇自唐上元間志謂魚泳

鳥翔得瀟湘之趣地故寥廓元守帥張柔崇構館榭始成鉅

觀明萬厯間闢園四集軼有其地先後守者購其遺址葺其

頽圯正其方面位次池館之規制遂相傳至今通諸學道之

士澄心利物攬勝好古今昔同揆良有悠然當余心者而余

於斯地迺一舉而兩得也始余以雍正十年建節保陽環池
行數十武亭館就荒池水闕不東注顧以林泉幽邃雲物蒼
然於士子讀書爲宜周迴餘地寬閑爽塏又於冠蓋駐宿爲
便輒欣然有得期於公餘葺理整頓以爲吾職所當爲而建
立書院之 詔適下爰與司藩王君司臬竇君觀察彭
君郡守縣令商度以大門甬道折行池北故有南嚮聽事堂
後精舍便室東西廊廡大小曲房若干間因舊起廢建爲書
院凡棟宇檐檣椳樞軒窗階除牆垣門戶之制無不新鐵石
瓦甃丹雘黝堊屏障几席之材無不飭計徒庸書餼糧屬其
役於清苑令徐德泰而董其成名以蓮池書院從其始也又
卽書院東甬道西地鳩工庀材構皇華亭館如干楹方嚮規
模略如書院公遇燕見退食居息賓從登眺驂服僕御莫不
有所制綦備矣循甬道直行池東折而南地可五六畝舊有
敞軒曲廊葺而治之益構南嚮聽事五區東嚮精舍三區亭
一所小山叢樹竹籬松牖參錯其間爲垣三面別曰南園備
課士譚燕之所又使節之同時並集者可以環池而居也新
舊其爲門三堂五齋四左右廡八魁閣一廊五平臺一亭二
樓一小屋四十餘區池二橋一經始於雍正十一年之五月
落成於是年之九月其費金錢若干萬動支公費若干餘皆
捐養廉以足之旣成延名宿集諸生肄習書院勸學興德敬
以 賜帑千金置常稔地歲課租以資膏火此後從遊
日衆脩俸餼薪定議公捐以期經久榜所下 詔旨於
院之上方而志其條約於講堂之次雍正十二年冬親藩奉
命過保陽舉帷池上亦得適館之安若其他公卿侍

從行李往來車馬有所無患燥溼使館之成於政體得也兩
院東西相屬面清流爲限跨石梁爲闕使節應酬與匡坐吟
誦不相妨雜至其叢薄交映碧浪成文羣籟吹萬時鳥變聲
雖喧寂異境動靜殊趣然一俯仰而同領略其高曠一聞見
而同觸發其天機游神物外不分畛域會意象中通無隔閡
則又天造地設而兩得其所者已曩余制浙修舉紫陽敷文
兩書院訓迪剡士頗有振興又凡湖山勝槩舊蹟所存加意
修葺以爲太平浹洽詠歌之一助也今茲之舉旣以宣朝
廷樂育人材之雅化而益以廣聖皇惠使臣軫原隰
之盛心且以表王畿都會之中巍乎煥乎有以廓大古
人之遺蹟而更新之吾知萃麟鳳於文苑徵杞梓於儒林樂
嘉賓之至止頌德音之孔昭絃歌詩誦旨酒吹笙池館之勝
山川之靈且自慶其輝光之日新而遭逢盛事有什伯於千
載以前者是固封疆大吏有事斯土者所樂爲而後之君子
亦願以時修葺厯永遠而勿替者也遂記其緣起而鐫諸石
以告之 蔣士銓遊古蓮花池詩池是張柔鑿當年俱冶遊
流傳絃誦地尺五帝王州上谷輿圖壯西巡 警蹕留
迎 鑾民躍躡敷政吏優優引水憑千鍾移山遣萬牛榮
梯通閭苑拓沼貯瀛洲掩豁坡陀轉逶迤閣道週飛廊橫登
帶短瀑注懸旒竹樹南東畝簾櫳上下樓龕雲陰洞闕虹彩
畫梁浮出入迷還到攀躋眩復休亭軒幾方丈臺殿百虛舟
柳幔雙隄合蓮衣一鏡收鷺拳酣午夢魚戲洽天游舞鶴斜
窺渚飛花密泛溝參禪幢蕊笑習射羽星流 御墨鐫
靈壁祥烟滿上頭 省方遵典禮行樂奉長秋島石仇

池比荷風曲院侔神仙如可致甯復慕丹邱方觀承古蓮
花池十二詠林風散朝步巖逕意所適巖畔羅春花晴光豔
如織佳賞貴及時何爲香偶卽蟾午萬卷不可讀層樓猶遠
望梁棟扶古香薰柏等無恙宸詠垂星文慙慙雲霞

上鵲卷水石自幽賞笙瑟亦清音瑤堂悅賓燕文酒近芳林
古籐方交花髮舞力難任花輔籐荷香熏遠水檻影俯清漪

新月坐初上閒情理釣絲蕉風動稀葛涼夜未須歸鵲芳山
近豁渝泉烟波自清境穹龜五百年伏護一區影何當具扁

舟更向江湖迴婉如池邊雙白鶴水宿不雲飛明月敞虛閣
蘆花吹縞衣清聲諧子和高步待同歸鵲隔水見紅牆因風

度清磬竹樹逕從深車馬跡已屏濯濯青蓮花共適禽魚性
繼鐘孤籐冑高樹巖石形蒼然登樓駐夕影寒泉滌襟垢嘉會

頭動藻影樹石皆空懸櫺泮高樓駐夕影寒泉滌襟垢嘉會
歎良難寸陰惜所受此堂可爲儀此解可飲酒雖分藁映孤

花數枝自娟秀雨中種卽看開軒坐清晝置之松石間老以
霜雪候綠捫石見璇題俗舒運初識秋雨長苔痕

陳跡忽已匿歸鶴避遊筇聞雲此相值鵲留雨水並如泡茲
亭亦何小昔我觀滄溟日出蓬萊早亭邊波動日池面烟含

島幹滄臨漪亭牡丹詩雲霞多處認樓臺中有名花春正
開異彩朝陽見層疊臨流新雨絕塵埃宸章閣下黃

聯屋太保峯前映綠苔曾是芳辰趨走地隔簾猶透
御香來畢沅臨漪亭詩東風拂雞水平碧琉璃鋪紅亭翼

其上四面鉤欄扶我來清苑春正初交交鳥勸提葫蘆新晴
放遊展景物堪嬉娛山桃枝枝照水底彷彿鐵網生珊瑚縣

碣俯沙觜蒙茸石髮巖不見垂綸叟踴躍鳬難遶山了了
碧天未翠黛新畫傾城殊一雙輕盈掠紫燕數尺撥刺跳銀
魚浪痕圓動處青錢疊五銖雲影乍開合清暉時有無幽森
深我濠濮想曠遠宛對瀟湘圖坐久渾忘日欲晡委波人影
工描摹不衫不履誠狂奴得非六月披裘徒繪像雲臺有異
乎一笑此君乃是吾他日東歸歸故廬繞牆萬箇栽箴簪半
船明月半牀書春
波一綠盡五湖

宣化堂在府治西元為順天路廳事至元中治中周孟戡建

劉因作記明為大甯都司後堂大清一統志 元劉因宣化堂記略順天治中周侯孟

戡故都運公之長子也學業淹博才術通濟而深識治體昔
和牧劉公病且卒而繼者未至侯以備員主治有聲嘗於時
豐政暇之際新其府之公堂謂是堂者一道聽政之所也上
之化由是而宣乃大書其匾曰宣化蓋亦有意於宣上之化
也且請予記之以為執事律
至元庚午十二月朔易川記

北風亭在縣境陵川集 元郝經北風亭記壬辰春北首渡

南里自甲辰至於丁巳凡十有四年於居為最久夏四月以
正陽鬱悠崇土為址斷木為楹虛其北而不置戶焉命之曰
北風既堅以茨乃偃息其下仰而嘆曰余生三十有五年而
不甯者殆三十年今之偃息者非疇昔之甯嗣者邪乃取莊

生齊物論及宋玉辭賦讀之敞然而樂曰快哉此風凡物莫不如是邪有萬不同而卒莫不同邪客聞之抱琴而至援琴而歌南風而謂余曰子之爲是也將以寓予之所寓也風之爲物也而莫適所定也之人也東西南北之人也而子生平不甯而不甯方來獨以北言之何也曰夫子見子之見而不見余之見知子之知而不知余之知也夫風輪水輪天地之所造物也一翕一闔往來不窮所以成變化而行鬼神也故風起於廣莫之野無何有之鄉衝茸飄跋吸忽鴻洞蕩搖振撼轉化樞運神紐推氣機使天地萬物各盡其變而不與焉固無東西南北之限也余之以北爲言者亦非自狹而必之於方所也夫乾爲萬物之終艮爲萬物之始坎也者北方之卦也所以爲始終之幾也故天一爲水而風輪在焉運於東使萬物各遂其生運於南使萬物各遂其長運於西使萬物各遂其成運於北使萬物各歸其本亡於中則冲氣以爲和故風之勢伸於巽而水之澤成於兌余之以北爲言者蓋取乎此也其以北爲言者又有意焉余方爲人子北面所以事父也爲人臣北面所以事君也爲學問北面所以事師也且夫元光之元長星彗天赤氣起北方國朝建武啟運北風長驅肆其威靈而余實生焉天興之末北風吹雪有金以滅河斷其流萬馬蹂血而余北首焉故余生於是風而長於是風將從是風以徜徉此生也從其所吹遇止而止焉從其所吹遇行而行焉委是身於是風龍蛇也蓬累也野馬也塵埃也而各無所忤焉客曰大哉子之言也吾當改吾絃而更張吾之琴舍吾之南風而歌子之北風乃命客張其琴而余倚歌

而和之曰北風其涼兮吾中之塞其摠以揚兮雨雪其雱兮
吾物之翕乃所以爲張兮吾於此亭處不遑兮委之以順壽
而康兮飄然而行跨六合而凌八荒兮敷仁
兮扇義擴道以疆今年月日書之以爲記

百花嶼在縣南

採訪冊 國朝畢沅百花嶼詩一雨遠山綠
平湖春水盈趁茲豔陽日提壺花嶼行未至

一里餘撲面香風迎居人數十家終年地不耕世業習花事
曾無粟米微果實利頗饒衣食有餘贏兒孫羅目前涼燠關
恩情不須文字識自鮮憂患嬰起居衆香國笑語紅羅亭歲
時暨伏臘雞黍樂昇平卽此是仙源詎用羨蓬瀛我來獨延
伫遠近倉庚鳴晴絲萬丈長空際相纏紫怪底蜂蝶鬧樹樹
堆繁英英繁香爛漫豔豔丹霞生丹霞生不已散爲紅雨零
境佳思小酌一飲累十觥醉任玉山頽坡陀藉草青身眠錦
繡谷夢落芙蓉城城中何所有香霧花冥冥深宮十二樓璫
璨鋪瑤英日麗雙鴛鵲風搖九子鈴紛紜羣仙集爭前問姓
名因之作高會當筵百戲呈玉鼎麒麟脯金匙芍藥羹白虎
使鼓瑟蒼龍令吹笙譜我咏梅句三疊成新聲曲奏未及闌
津津衆口稱謂子具仙骨宜授內景經行之果無倦指日升
天庭語畢各散去鸞輅猶雷轟倏然驚睡覺花杪夕陽明

橫翠樓在府治東北元張柔建

大清一統志 元郝經橫
翠樓記易定諸山尾常山而

北旁礪嶷迤自北而東挾碣石以入於海蟠燕亘趙肆其雄
麗順天一道連城數十牙錯綦制突兀乎其間而塘潏諸泉

貫城而入紫帶瀾漫瀟淪泓澄城市之間遂有江湖之趣腴
家鼎族往往築臺榭樹樓觀以肆其觀覽焉歲甲寅秋郭君
仲偉起樓於市闌之北做軼掀翥越塵闕而上坐視諸山瞰
臨源泉雲容天影水光山色峩翠蜚碧獻奇供異名之日橫
翠言諸山之翠橫列於下也仲偉春秋甚富嘗學於薦紳先
生喜交遊許與結納皆天下豪右每於是樓之上置酒燕集
而余必在焉其春煙滿簾春雲繪山西則十二顏行玉立澄
綠澹蕩白鳥容與馮欄撫几觴豆粲如志得氣許把臂暢飲
開露肝臆削去町畦孟沉山影酒激紋浪吞江南之清風吸
燕趙之勁氣亦一快也至於夏秋之交天虛氣清紅蕖綠菱
香滿棖棟諸峯隱隱出沒雲錦白露滴玉霞綺煥月代謳燕
歌間起迭作四座淋漓盃盤錯過壯懷清怨寫入搖瑟銀管
風生翠綃涼重開元之舊曲明昌之新聲揄揚漂渺浮動喜
氣一樓之上獨見太平營營之滯思冥冥之隱憂擾擾之塵
蔓孰得孰失盡爲釋然遠韻高情脫去凡近超超勝槩莫得
名言嗚乎人寓形於天地而適情於萬物初不爲物役也脩
然而往翛然而來不爲拘拘不爲子子遂古一樂也或浮沉
於盃酒或放曠於山林或優游於廊廟用舍乘化不錮不滯
夫是之謂達士今觀仲偉之自處非古所謂達者歟樓之成
四遠英賢往往爲之賦詩而請余爲記姑書其所見且以識
登覽之所得云丙辰春三月十五日記 劉因橫翠樓賦金
臺雄壯甲天下而山水人物爲最也其西北有峯望之巖然
而立巍然而高琅然而秀者郎山也其西四十里有泉穴城
而來流分而派衍環乎市井之間爲一時之偉觀者雞水也

水之上又多樓亭臺榭之美而宏麗特出俯瞰間閭騁懷遊目足以極登臨之勝槩者橫翠樓也樓之上飄輕裾曳長袖解劒指麋醪酒臨江養胸中之天地遊物外之文章爲燕南文物之冠冕者樓之主人也主人觴於斯詠於斯會賓客於斯見千巖萬壑盤紆拂鬱而坐致乎几案間故樂而名之曰橫翠樓然而樂其所以樂者非直爲景物役也將以取山水之秀而助其氣也若夫峩峩業崱刻削峯巒混涵天地呼吸萬壑斬絕峻拔嶷嶷然有可望而畏之者與秋色而相高也雲開日朗雨霽虹銷巖崿靈霽若拂嵐撲黛靄靄然有可喜而玩之者朝來之爽氣也霜露既下木葉盡脫水窮霞盡天高鷺飛微微螺髻隱隱蛾眉者天寒而宜遠也日下壁而乘彩月上軒而飛光開簾挂笏把酒而觴者翠屏之晚對也朝暉夕陰烟容雨態如萬物之供四時而無窮也由是觀之主人氣象巍然襟韻磊落靈臺洞月玉骨橫秋飄飄然有凌雲之風者殆不偶然也燕趙諸公多以歌詩道其美記之者有陵川之雄文詠之者有木菴之絕唱前人之述作已備主人復以文命僕僕輒不自揆拾人之滯穗句人之殘箸亦爲之賦而贅之於後其辭曰丙寅之秋七月與主人相攜登於橫翠之樓覽斯宇之所處極滄溟之盡頭地連西鄙雄冠中州星分箕尾州別冀幽控雁門之右塞引雞距之清流倚太行之岩觀接易水之長洲有如陰雲慘慘晦日冥冥林密失色岳壑潛形或風雨驟至洵然如半夜之潮生或波濤怒捲湧然如萬馬之軍聲使人魂飛膽慄心折骨驚悵然失視悚然忘形怛惻於懷慄兮而若有遠行者乎又如雲開山色雨沐

秋容天光接塞水影涵空浮一天之灝氣快千里之雄風使人過飛逸興浩發吟魂如登泰山漂崑崙有可挾日月而薄風雲者乎又如騁出岫之白雲傲橫空之素靄揖列壑之青嵐訪攢風之翠黛窮島嶼之縈迴觀宇宙之宏大吞燕趙之精英吸乾坤之沆瀣發胸次之瑰琦豁中襟之蒂芥其亦有思乎古今人之登高而弔古傷時而感慨也若乃太行之英郎山之靈開岫幌闢巖局收霧嶂列雲屏供詩情於晚照貢圖畫於新晴於時吾與子詠春風於舞雩濯塵纓於滄浪來登斯樓終日徜徉歌紫芝之曲酌明月之觴渺天地於一粒隨造物而翱翔覩萬代於咫尺順四時而行藏下視萬物杳焉如千里之毫芒然後囂囂然洋洋然庶乎可以與天下俱忘者矣

張氏園在西門內雙井衙衙有雙井崇禎甲申之變邑紳張

羅彥闔門投井殉難今井上建不改亭康熙二十八年巡撫

于成龍題泉水猶香四字

採訪冊 國朝于成龍井亭碑銘有序保定張氏園井亭者爲前明

光祿寺少卿張公建也當崇禎十七年三月流賊猝陷京師保定櫻城拒賊有死事之烈首其事者公也

世祖章

皇帝時有科臣疏聞於上從郡人請祀於學旣而常郡丞申請表揚闔郡之抗節死難者復同祀於忠烈祠茲則其死忠地也方保定守於京師之旣亡也賊攻城羣呼公舊官名張吏部公罵賊城陷大書壁上曰大明光祿寺卿張羅彥義不

受辱縊死井亭婦女俱投井死闔門殉者二十有三人所最
奇者公配宜人趙氏先從公自縊不死又入井三日不沉家
人投縊出之賊恨公堅守既大索城中復於城門嚴詰得一
張姓者賞五十金宜人方在憂懼中忽而假寐夢公曰孫出
矣解已朝衣覆宜人宜人覺語家人家人共以筐舁宜人用
被蒙筐比至城門賊蟻聚無一人問去城四十里遇老嫗抱
公孫至卽今之秉曜也彼時方週歲秉曜成立家已落園已
他質并亭已圯迄今三十餘年不爲張氏有也園井逼近余
衙舍余爲捐俸贖園構亭祀之亭落成取易井卦改邑不改
井之義題曰不改亭張生請紀其事勒諸石竊謂古今有大
戒無所逃於天地之間者節義也節義不明人極不立人極
不立則天地之心無所寄而帝王之教無所施然每讀史至
鼎革之際士大夫爲禍福所動苟一時之生而貽萬世之譏
者多矣仗節死義代不多人如公者豈非有明一代之臣哉
嗟乎公之忠烈已登明史逸事盡於墓碑首事拒賊詳於保
定紀事不具述茲特誌其建亭始末如此公伯兄癸未科進
士羅俊罵賊死城頭六弟武進士羅輔死戰四弟文學羅善
公子文學晉姪文學伸死園外井其死此井者則公妾宋錢
子婦師暨公一幼女也其闔門婦女或縊死或井死皆得祀
於亭倡義者公樹得從公也公諱羅彥字仲美號二酉崇禎
戊辰科進士銘曰昊天降割殄有明鷗鷺奮怒猋猶掩遏
赤鴉徹陽精宮殿流血傾神京撓膺稽顙多簪纓有勇光祿
張少卿京師已陷奮忘生攀弧援甲櫻孤城一木難支六日
傾從容就義毗裂經鳥頰忠字耀日星二十三口同沉冥用

酬養土彰地靈易水湯湯
郎山青千年萬年仰此亭

卷石樓在縣北郭明知縣崔泌之築碩果園建樓其中
清一大

統志

勞勞亭在北郭外邑令崔泌之建今為皇華亭
雍正志

滿城縣

宸翰亭在一畝泉南康熙辛卯建
縣志張煥記今

上御極

五臺山駐蹕滿城越宿而發時知縣臣李玉堂辦理
駕幸

上念扈從諸臣奔走勞勩

特賜御書以示優

獎玉堂與焉其書臨故元臣趙子昂律詩玉堂用鐫於石樹
之縣境一畝泉南作亭其上榮君賜垂久遠也迨王

堂陞任亭為大風所飄牆屋僅有存者康熙四十四年夏六
月臣煥奉命來宰是邑遍閱境土至其地甫得稽拜

而仰瞻焉竊觀我皇上書法高越前古垂範千秋非

獨為一邑之榮施也敢不敬寶護而宣揚之於是捐俸鳩工
修理整飭榱桷如故丹堊一新臣煥稽首頓首而恭額之曰

宸翰亭猗歟隆哉自古人君撫有方宇興道致治未

有如我皇上盛德大業久道化成被聲教於海澨山

陬浹愛養於百年必世者也而民物太和萬幾清晏